

## **Rapport dalla seduta dil cussegl da vischnaunca dils 26 da fevrer 2019 a Danis**

### **Beinvegni ed avertura**

Il president dil cussegl, Luzi Pfister, fa a tuts presents in cordial beinvegni alla seduta da questa sera.

La gliesta da tractandas, la quala ei vegnida tarmessa tier cun l'invitaziun, vegn suttamessa alla discussiun. Damai ch'ei vegn buca fatg diever da tala ei la gliesta per la seduta da questa sera ligionta.

### **1. Approbaziun dil protocol dalla seduta dil cussegl dils 20 da november 2018**

Il protocol ei vegnius tarmess allas cusseglieras ed a tuts cusseglers. Il president dil cussegl suttametta el alla discussiun. Da tala vegn buca fatg diever. Il protocol vegn approbaus unanim.

### **2. Approbaziun lescha davart il providiment d'aua**

Clau Schlosser presenta al cussegl la lescha e menziunescha las adattaziuns enviers ils reglaments dallas anteriuras vischnauncas. La pli gronda midada ei sco ei vegn quintau giu egl avegnir. La taxa fundamentala vegn calculada en promils dalla valeta nova tenor schazetg official, quei sin fundament dalla classificaziun digl object tenor il Fegl da tariffas, vitier vegn aunc il diever tenor m3.

La suprastanza communal ha tractau quella lescha en pliras sedutas e propona al cussegl d'approbar quella sco presentada.

La discussiun vegn dada libra. Sin las damondas sa vegnir dau risposta. Propostas per midadas dat ei neginas. Cun tscherna unanima approbescha il cussegl la lescha davart il providiment d'aua. Questa lescha entra igl 1 da schaner 2019 en vigur.

### **3. Approbaziun lescha davart la dismessa dall'aua piarsa**

Clau Schlosser presenta al cussegl la lescha e menziunescha las adattaziuns enviers ils reglaments dallas anteriuras vischnauncas. La pli gronda midada ei sco ei vegn quintau giu egl avegnir. La taxa fundamentala vegn calculada en promils dalla valeta nova tenor schazetg official, quei sin fundament dalla classificaziun digl object tenor il Fegl da tariffas, vitier vegn aunc il diever tenor m3.

La suprastanza communal ha tractau quella lescha en pliras sedutas e propona al cussegl d'approbar quella sco presentada.

La discussiun vegn dada libra. Sin las damondas sa vegnir dau risposta. Propostas per midadas dat ei neignas. Cun tscherna unanima approbescha il cussegl la lescha davart la dismessa dall'aua piarsa. Questa lescha entra igl 1 da schaner 2019 en vigur.

### **4. Approbaziun lescha da satrar e santeris**

Clau Schlosser presenta al cussegl la lescha e menziunescha las midadas ed adattaziuns enviers las treis leschas vertentas d'Andiast, Breil e Vuorz. La gronda part dalla lescha sefundescha sin la lescha cantunala. Ensemen cun ils presidents dallas pleivs Breil e Vuorz ei la suprastanza medemamein ida atras la nova lescha.

La discussiun vegn dada libra. Sin las damondas sa vegnir dau risposta. Cun tscharna unanima approbescha il cussegl la lescha da satrar e santeris. Questa lescha entra igl 1 da schaner 2019 en vigur.

## 5. Annullar regulativ "L'Era Andiastr"

L'antieriura vischnaunca d'Andiastr possedeve in regulativ per vendita da parcelas da baghegiar per indigens. Clau presenta al cussegl la fatschenta e daclara daco che quei regulativ sto vegni annullaus. En la vischnaunca da Breil vegn enstagl da vender plaz da baghegiar, dau quel favoreivel en dretg da baghegiar.

La discussiun vegn dada libra. Sin las damondas sa vegnir dau risposta. Cun tscharna unanima approbescha il cussegl d'annullar il regulativ "L'Era Andiastr" per immediat.

## 6. V a r i a

Luzi Pfister engrazia alla suprastanza per la buna lavur da preparaziun dallas fatschentas. Vinavon engrazia el als cussegliers per la presenza e la partizipaziun e giavischa in bien retuorn a casa. El siara la seduta dallas 22.00 uras.

Breil, ils 27 da fevrer 2019

**Il president**

*Luzi Pfister*

**Igl actuar**

*Curdin Cadonau*